

Acehnese - Janji Alkitab - Promises Scriptures

Keujadian 20:6 Jehovah laju geujaweeueb lam lumpo nyan, "Nyan bit beutôi, Ulôn teupeu gata peubuet nyan ngon até nurani nyang gleh. Sabab nyan kheueh Ulôn seugah bék gata peubuet desya atueh Ulôn, dan hana Lôn peubiyeu gata mat inong nyan.

Keuluaran 35:21,26 dan soe mantong nyang na meugrak até jih, jijak ba peuseumahan keu TUHAN keuteupeu leungkab Khimah TUHAN. Meunan cit awaknyan jiba banmandum nyang teupeureulée keumeu iébadat dan bahan keu peukayan imeum. 26 Meunan cit awaknyan jicob beuneueng nyang teupeugét nibak bulée kaméng.

Teubileueng 10:35 Tieb-tieb watée Peuto Peujanjian nyan teuma jiba sajan, Nabi Musa geupeugah, "Neubeudôh kheueh, ya TUHAN, neupeu crebre kheueh musoh droe neueh sampoe ureuëng nyang jibanci droeneueh jiplung banmandum."

Kitab Teu-Ulang 2:25 Phon nibak uroenyoe Ulôn teuma Lôn peujeuet gata beujitakot lé bansa-bansa dipat mantong. Tieb-tieb watée teuma jiteuka yo nyang lumpah teumakot meunyoe jideungoe keuhai gata.' "

Kitab Teu-Ulang 9:3 Teuma jinoenyoe gata kalon keudroe pakriban TUHAN Jehovah gata geujak dikeue mata gata lagée apui nyang jitot peue-peue nyang na. Jihnyan jipeutaloe awaknyan dikeue mata gata, akhé jih gata hase gata use dan gata peuhanco awaknyan deungan bagaih that lagée nyang geupeujanji lé TUHAN.

Yosua 2:9 dan laju jikheun bak awaknyan bandua, "Dilôn lôn teupeu bahwa TUHAN ka geubri nanggroe nyoe keu droeneueh. Banmandum ureuëng nyang na disinoe jitakot keu droeneueh nyoe.

1 Samuel 17:48,50/51 Goliat laju jimaju jipeurab ubak Nabi Daud, deungan bagaih that Nabi Daud geuplueng lam baresan ureuëng Filistin keu geuhadang awaknyan. 50 Nabi Daud laju geuplueng geupeucrok Goliat, dan laju geudong dikeue jihnyan; gobnyan laju geucok peudeueng Goliat dan laju jisuet nibak lam sarong, dan lheueh nyan laju jireupang ulée ureuëng Filistin nyan. Meunan kheueh cara jih Nabi Daud geupeutaloe dan geupoh maté Goliat, na kheueh ngon ali-ali dan batée! Watée ureuëng Filistin jikalon pahlawan awaknyan ka maté, awaknyan laju jipeuplueng droe.

Ester 8:17 Meunan cit ditieb-tieb banda dan propinsi, dipat mantong surat peurintah raja nyan teupeumaklum, ureuëng-ureuëng Yahudi lumpah geumbira ngon harok that-that sira jipeugot khanuri sibagoe ucapan syukoe. Dan le that nibak peunduduek nyang jeuet keuwareuga bansa Yahudi, sabab awaknyan jitakot keu bansa nyan.

Ayub 29:14 Nyang ulôn peubuet nyan jujoe hana meucupa; ulôn peudong keuadelan dipat mantong na.

Amsal 13:11 Keukayaan nyang jiteumé deungan mudah bagaih meukureueng;

teuma hareuta nyang jipeusapat bacut deumi bacut bagaih meutamah le.
Amsal 13:22 Ureuëng nyang gét jipeuwaréh keukayaan keu aneuëk cucoe jih;
teuma keukayaan ureuëng nyang meudesya teukeubah keu ureuëng nyang
jujoe udeb jih.

Amsal 22:22,23 Bék kheueh gata peurugoe ureuëng gasien sabab jih nyan leumoh hana meudaya; dan bak kantô peungadelan bék kheueh gata peukosa hak ureuëng nyang hana meudaya. 23 Sabab, TUHAN teuma geubila peukara ureuëng nyan dan geutarek nyawöng ureuëng nyang teugon awaknyan.

Nabi Yesaya 35:8 Di sideh na rot ueh raya, "Rot teujak ubak keuseulamat" nan jih. Ureuëng meudesya hana jijak rot nyan, ureuëng bangai hana jipeuseusat keu ureuëng nyang jak rot nyan.

Nabi Yesaya 43:2 Meunyoe gata neujeumeurang ié, Ulôn teuma na meusajan gata, gata hana teuma karam dipat mantong gata meuteumé susah.
Meunyoe meulalu apui, gata hana teuma angöh, cubaan-cubaan nyang brat hana teuma ceulaka gata.

Nabi Yesaya 49:25 TUHAN geujawueub, "Nyan kheueh nyang teuma teujadi.
Tawanan bubena pahlawan jireupah lom. Jaranan ureuëng keujam teureupah lom. Sabab Ulôn keudroe nyang lawan musoh gata; Ulôn kupeuseulamat aneuëk-aneuëk gata.

Nabi Yesaya 54:17 Teuma tieb-tieb seunjata nyang teu teumpeuen keujilawan gata, atranyan hana meuhase. Dan tieb-tieb tudohan nibak kantô peungade-lan teuma gata bukeuti bahwa nyan na kheueh salah. Ulôn jok hadiah nyan kheueh meunang keu hamba-hamba Lôn, meunan kheueh feureuman Tuhan

Nabi Yesaya 59:17,19 Gobnyan geupeuguna keuadelan dan keuseulamat sibagoe bajée beuso dan tupi waja. Gobnyan kana teukat keu geupeupuléh keuadaan dan geubalaih keuhana adelan. 19 Kuasa dan keuagongan Gobnyan teuma jitakot lé soemantong ureuëng phon ditimu meunan cit di barat. Gobnyan teuma teuka lagée ié krueng nyang tajam ji ile nyang jipeuteuka lé angén badée raya.

Nabi Yesaya 61:10 Jaweueb Yerusalem, "Ulôn galak that até sabab TUHAN, até lôn meusukacita sabab Po teu Jehovah. Lagée teungku linto agam dan dara barô inong nyang jingui piasan meubagoe rupa, meunan kheueh TUHAN geupeungui keu ulôn bajée seulamat dan meunang.

Yehezkiel 22:30 Lamkawan ureuëng Israel nyan, Ulôn mita ureuëng nyang carong jipeudong bintéh beuton, atawa jidong bak teumpat-teumpat nyang bintéh beuton jih reuloh keu teupeuteun nanggroe nyan meunyoe Ulôn keuneuk peuhanco lam ju meudok-dok beungéh Ulôn; teuma hana meusidroe pih nyang meurumpok ngon Lôn.

Yehezkiel 45:8 Tanoh nyan jeuet keumilék peunguasa nyang mat peurintah bak tanoh Israel, mangat hana jitindéeh le ateueh umat Lôn, teuma teubri daerah nyang leubeh nyan jeuet keuhak milék sukée-sukée Israel.

Daniel 4:16 Bah kheueh ákai manusia jih meu ubah jeuet keu ákai beulatang

treb jih na tujoh thon.

Daniel 7:4 Meulatang nyang

phon ruman jih lagée singa, teuma na meusayeub cicém garuda. Watée ulôn pandang ateueh beulatang nyan, hana teusangka-sangka sayeub jih teulot dan leukang; beulatang nyan teubeuôt nibak tanoh dan teudong ateueh dua blaih gaki lagée manusia, laju geubri akai manusia.

Zakharia 4:6 Malaikat nyan geuyue ulôn jak peusampoe ubak Zerubabel pesan Thuan nyoe, Bukon deungon teunaga tantra dan bukon teuma deungon teunaga gata keudroe gata meuhase, teuma na kheueh deungon Roh Ulôn.

Matius 24:22 Seungkira jih Po teu Jehovah hana geupeu paneuk watée jih; teuma hana meusidroe pih nyang na seulamat. Teuma sabab lé umat Gobnyan, Po teu Jehovah geupeu paneuk watée nyan.

Matius 26:41 Meujaga-jaga kheueh, dan meudoá kheueh mangat ateueh gata hana keunong bala. Keubiet roh gata jitem keuneuk jipeubuet nyang jroh-jroh teuma gata keudroe nyang hana hase, sabab tabaiát manusia nyan leumoh."

Markus 10:48-52 Ureuëng buta nyan laju jibeungéh le ureuëng ramé sira jiyue seungab. Teuma ureuëng buta nyan leubeh teuga lom jikuk, "Aneük Daud, neugaséh kheueh keu lôn!" 49 Teuma Isa geupiöh sira geupeugah, "Hôi laju ureuëng nyan." Teuma awaknyan jijak tawök ureuëng buta nyan sira jikheun bak ureuëng nyan, "Teunang kheueh! Gata geutawök lé Isa, beudöh laju!" 50 Ureuëng buta nyan bagaih that jibeudöh sira jirhom bajée jubah jih dan jijak laju ubak Isa. 51 "Peue nyang gata lakée jeuet Lôn peubuet ateueh gata?" Geutanyong lé Isa bak ureuëng nyan. Ureuëng buta nyan jijaweueb, "Pak Gurée, ulôn keuneuk keumalon." 52 "Jak kheueh," kheun Isa, "sabab gata peucaya keu Ulôn, gata puléh." Bak watéenyan cit teuma ureuëng nyan hase jimeungieng, dan laju jiseutôt Isa jak. (Matius 20:30-34)

Markus 16:20 Teuma le murit-murit Gobnyan laju jijak peusampoe haba seulamat nyang teuka nibak Po teu Jehovah nyan ho-ho mantong. Dan Tuhan pih geumubuet meusajan-sajan ngon awaknyan dan geubri bukeuti keuhai buet-buet nyang ajaéb bahwa peue-peue nyang awaknyan peusampoe nyan na kheueh beutôi.

Lukas 14:23 Dan ureuëng Po khanuri nyan laju jipeugah lagée nyoe, 'Gata jak kheueh u rot-rot ueh raya dan juròng-juròng nyang na diluwa banda, dan gata paksa kheueh mangat ureuëng-ureuëng nyan jitem teuka, mangat rumoh ulôn peunoh.

Lukas 21:15 Ulôn keudroe teuma ulôn bri ubak gata tutoe haba dan keubijaksanaan nyan, sampoe hana meusidroe pih nibak musoh-musoh gata hase jilawan atawa jisanggah peue nyang gata peugah.

Lukas 21:36 Meujaga-jaga kheueh, dan meudoá kheueh sabe mangat gata hase gata hadab banmandum hai nyang teuma teujadi dan gata hase tajakmeuhadab ngon Aneük Manusia."

Yahya 17:15 Ulôn hana Lôn lakée mangat Bapak neucok awaknyan nibak lam

**donya nyoe, teuma nyang Ulôn lakée mangat Bapak neujaga awaknya
nibak ureuëng jeuhet.**

**Kisah Rasui-Rasui 11:23 Bak watée nyan cit teuma malaikat Tuhan geutampa
Herodes, sabab jihnyan hana jihoreumat Jehovah. Herodes jipajoh lé glang
dan laju maté.**

**Kisah Rasui-Rasui 13:48 Watée ureuëng-ureuëng bansa laén nyang bukon
Yahudi jideungoe hai nyan, awaknya galak lumpah na, laju awaknya
jipujoe-pujoe feureuman Tuhan. Dan ureuëng-ureuëng nyang geupeuteuntée
lé Jehovah keu meuteumé udeb seujati dan keukai, ureuëng-ureuëng nyang
jimeuiman.**

**1 Korintus 10:13 Tieb-tieb cubaan nyang Gata rasa na kheueh cubaan nyang
ka lazem jirasa lé manusia. Teuma Po teu Jehovah seutia ubak janji
Gobnyan. Gobnyan hana teuma geupeubiyeu Gata jiujo leubeh nibak
keusanggopan gata. Bak watée Gata jiteuka ngon cubaan, Gobnyan laju
geubri jalan keugata beujeuet keuteuga mangat Gata hase tameuteun.**

**1 Korintus 16:9 Jai that nyang watée jih nibak teumpat nyoe nyang jeuet
teupeubuet keu buet-buet nyang na manfaát, bah pi jai that teuma ureuëng
nyang hana galak.**

**2 Korintus 12:9 Teuma Tuhan geujaweeub, "Ulôn kugaséh gata dan nyan ka
seb keugata; sabab kuasa Ulôn keubiet that teuga meunyoe gata lam keua-
daan leumoh." Nyang kheueh sabab jih ulôn leubeh galak lôn peubang-ga
hai-hai lôn nyang leumoh, sabab meunyoe ulôn ka leumoh, dan bak wa-tée
nyang kheueh ulôn rasa Almaseh geulindong ulôn ngon teunaga Gobnyan.**

**Efesus 6:11 Peuguna kheueh banmandum peuleungkapan prang nyang geubri
lé Jehovah keugata, mangat gata hase meuteun talawan siasat-siasat
nyang lisek nibak Iblih.**

**Ibrani 1:7,14 Keuhai malaikat-malaikat Jehovah meufeureuman lagée nyoe,
"Jehovah geupeujeuet malaikat-malaikat Gobnyan jeuet keu angén, dan
peulayan-peulayan Gobnyan jeuet keu apui hu." 14 Meunyoe meunan,
malaikat-malaikat nyan peue nyang sibeuna jih? Awaknya na roh-roh
nyang layani Jehovah, dan nyang geuyue lé Jehovah keuteutulóng ureuëng-
ureuëng nyang teurimong seulamat.**

**Yakobus 4:7 Sabab nyan, tundok kheueh ubak Jehovah dan lawan kheueh
Iblih, ngon lagée nyan Iblih teuma jiplueng jitinggai gata.**

**1 Petrus 5:10 Teuma óh ka lheueh gata meudeurita sikeujab, Jehovah keudroe
teuma geupeujeuet gata sampoereuna. Gobnyan teuma geupeudong dan
geupeukong gata. Sabab Gobnyan na kheueh Jehovah nyang jroh até,
nyang ka geutawök gata keutarasa meusajan keuagongan Gobnyan nyang
abadi meulalu Almaseh.**